

Kayëta ir Filemonj in Lilaya in

Akayëta aŋo Pol ŷëgwën këreceŋ ir baŋo Filemonj. Ar Xadëp irexëm ir bano wãcënd Onesim, naŵa baŋo. Ga fed këni gë Pol wël ko end Yesu Kërisët eŋ, wã ko do hi ko mëŋ bëte këreceŋ. Ata Pol fel këŋo exo maŷi gër axwën arexëm Filemonj. ŷëgw kayëta ijo ro eŋo karaxën Filemonj eŋo kaca gë eteban Onesim. Gayikwa angwën aŋo, xadëp ir naŵak in, asoron bano soronënd, bandëmar alaŵ bano lawënd. Er sëyalı ko Pol gër kayëta aŋo ro in ex ebalër ed bëreŵak end Kërisët el, aŷap ŷapëk ex canayand gër banëkëra bandebën. Mëŋ ex Pol axara baŋo Filemonj eŋo kaca Onesim gë obal gayikako anëka hi baxo arëŵak end Kërisët ang mëŋ ak. Er ex gër akayëta in:

Ecëmar el do gë ecalen ed Filemonj el: 1-3.

End Onesim eŋ: 4-22.

Ofelar ol do gë cale ipelatar in: 23-25.

Ecëmar el

¹ Wëno Pol, ar fëra këno në end Yesu Kërisët an, wëno gë abaŷe Timote ki ŷëgwënëlınd wëj Filemonj. Wëno mbaŋ ke balënd endey eŋ, wëj ar ßar këne andiyen amat an. ² Gër kayëta ijo ro, abar ßar këmun wëj gë Apiya, imaŷe itoxari indebi in, gë Arëšip ar xel këmi hi enga endemat an, do gë bër gër Amara and hik gër iciŵ indey

bën. ³ Faba irebi Kaxanu do gë Axwën Yesu Kërisët, yëlëlenun oyekax ol do gë obetak ol.

End aņana aņ do gë ekwëta ed Filemonj eņ

⁴ Din këmi xwitand mi calen do këmo šëkwand Kaxanu ir xwën ke. ⁵ Awëlati wëlati këme mëne wëj mbaņ xwëta këyo Axwën Yesu, bëte mbaņ ki balënd end dek okëreceņ ocandax eņ. ⁶ Ga bar këne ako ekwëta edebat, anang nang këy dek er yek eyëbo din në end Kërisët in. Awa masinëlëbo ngwa. ⁷ Wëno mbaņ nëngandëra ke do mbaņ xemën ke aņana andey aņ. Abaņe Filemonj, enimin okëreceņ odanjëm yema këbi oŵëkw oņ në endey.

End emëka ed Pol eņ

⁸ Mëņ ex, ga yël ke Kërisët or gapak ol, anëņali anëņali domi er ŷapëk ey di in, bari ame di na. ⁹ Er ŷapan ke mi kara mo kara ga nang këme ako gë aņana hi këy. Wëno Pol, anëka xar këme bëte waca ke hi këme gër epëra në end Yesu Kërisët. ¹⁰ Axara këmi xarand end Onesim eņ*. Asëñiŵën iram hi ko elod yatir ŵa ko end Kërisët eņ ro gër epëra. ¹¹ Bakey band xucak baņ, ofëcak abaxi rin na. Barikan gërëgako, arin këbo rin wëj gë wëno. ¹² Anëka felëli këmo exo maņili ado ga lëkër këmi mbaņ. ¹³ Dek ŷandi baxe exo bayi gër ndam ro, exe dëcarand ang do ye rëcara wëj ak ang hi këme gër epëra në end Atëfëtan ak. ¹⁴ Bari gematak axe ñandi bana me di xarak

* **1:10** 1.10 Onesim ijo xadëp hi bax. Anaŵa naŵa baņo Filemonj, ar xwën baņo an, hër ko đup gër angol and fëra bano Pol.

axe wëlër exe na pere këdi këmi nëŷali eye din oyekax olo.

¹⁵ Bamat imëd fo ŷapër ban gë Onesim enjun ketaxën din. ¹⁶ Barikan gërëgako nëmëc xadëp hi ko. Imaŷe ind ki bal mbanj hi ko, axo bo ex na xadëp fo. Wëno gë pit ke balënd endexëm enj xarak wëj doxi balënd nëmëc gayik xadëp irey exo. Bëte arey hi ko ga bar kën ako gër Axwën Yesu. ¹⁷ Awa angëmëne wëj gë wëno abar bar ke, kwëtayalo Onesim ang xwëtayadoye wëno ak. ¹⁸ Angëmëne aŷenan ŷenan ki, wëno këye wëkad, do angëmëne ŷeŷ ŷomëxa ki na, wëno ki ŷaşëned. ¹⁹ Ata wëno Pol kë ŷëgwëlinde gë ataxan andam anj dëŷ: wëno aŷaşën këmi ŷaşën. Wëj aniyen andey anj dëŷ ga ŷomëxa këye wa, bari ami pel na. ²⁰ Eyo abaŷe, dëcale mondako në end Kërisët, yemënël emëkw edam el ga bar ke ako gër ndexëm.

²¹ Anang nang këme mëne aŷa këy ŷa er këmi ŷëgwënëlinde gër kayëta ijo ro in. Aye fëni ke mëne nëmëc er xara këmi in këy ri. ²² Gërëgako këñënanëxëye bëte aciŷ, yëla këme mëne asebët këne sëbëtëli gayik Kaxanu ayakali këjun yakali cale indewën inj.

Epelar el

²³ Epafëras, imaŷe ind fëra kënebo në erebat në end Yesu Kërisët in, aŷëma këjun ŷëmand. ²⁴ Aŷëma kënun ŷëmand bëte bër bar këmi andiyen bën: Marëk, gë Arisëtarëk, gë Demas do gë Luk. ²⁵ Oyekax or Axwën Yesu Kërisët ol gil ex gër onden ondwën!

Oniyan
Oniyan: Oniyan (New Testament+)

copyright © 2017 Wycliffe Bible Translators, Inc.

Language: (Oniyan)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 21 Feb 2024 from source
files dated 29 Jan 2022

8b7902f3-5e35-5b89-86b2-c6da1be458b9